



Skolverket

Utbildningsinfo

Barnaamijka gaadiidka iyo maareynta alaabta

Barnaamijka gaadiidka iyo maareynta alaabta waxuu ku habboonyahay qofki xiiseynaya gaadiidyada kala duwan, bakhaaradda iyo maareynta badeecadaha.

Barnaamijkaan waxuu ku habboon yahay qofkii raba inuu ka shaqeeyo adeegga bulshada isla markaana jecel inuu la kulmo dad kala duwan.

Waxaan ayaad barnaamijka ku baran doontaa

Waxaad kala baraneysaa gaadiidyada kala duwan iyo sida loo sameeyo.

Waxaad kaloo baraneysaa maareynta badeecadaha bakhaaradda iyo boosteejooyinka iyo sida nidaamyada kombiyuutarka loogu isticmaalo maareynta bakhaaradda.

Barnaamijka waxaad tababar ugu qaadanaysaa sidii aad dad kale ula shqeyn laheyd iyo sida aad adeeg fiican u siin kareyso dadka macaamiisha ah.

Su'aalaha la xiriira goobaha shaqada waa qeybo muhiim ah oo barnaamijka ka tirsan si uusan dhaawacyo kaaga soo gaarin shaqadaada mustaqbalka iyo si aad u heshid caafimaad wanaagsan.

Sidaan ayuu barnamijka u degsanyahay

Maaddooyinka barnaamijyada dugsiyada sare ee dadka caqliga dhiman oo dhan eey kawada siman yihiin.

Dugsiyada sare ee dadka caqliga dhiman ee wadanka oo dhan ku yaal waxeey leeyihiin maaddooyin la barto oo eey kawada simanyihiin.

Waxaana la yiraahdaa Maaddooyinka barnaamijyada dugsiyada sare ee dadka caqliga dhiman oo dhan eey kawada siman yihiin.

Maaddooyinkaas waa:

- Ingiriis
- Maaddada farshaxanka
- Taariikh
- Maaddada jimicsiga ciyaaraha
- xisaaab
- saynis
- diin
- cilmiga mujtamaca
- luqadda iswiidhishka ama luqadda iswiidhishka ee loogu tala galay ajaanibta

Maaddooyin kawada dhexeeya barnaamijka waxbarasho

Barnaamijka waxuu leeyahay maaddooyin xirfadeed iyo kuwo astaan u ah barnaamijka waxaana leesku yiraahdaa maaddooyinka kawada dhexeeya barnaamijka.

Ardayda dhigata barnaamijka gaadiidka iyo maareynta alaabta oo dhan weey akhrisanayaan maaddooyinka:

- Qeybta gaadiidka
- Farsamada gaadiidka
- maareynta badeecadaha

Kusii qoto dheerinta barnaamijka

Waxaad baraneysaa maaddooyin badan oo kor uqaadaya cilmiga barnaamijka aad dalbatay. Waxaa lagu magacaabaa qoto dheerin aad ku sameyneysid barnaamijka.

Maaddaama iskoollada eey hayaan maaddooyin kala duwan oo qoto dheerin ardayda ku sameyn karaan waxaad la xiriirtaa iskoollada aad dalbanaysid waxaadna weeydiisaa maaddooyinka qoto dheeridda looga sameeyo ee iskoollada.

Warbixin dheeraada oo arrinkaas ku saabsan waxaad ka heli kartaa bogga internetka ee www.skolverket.se, qeybta ka hadleysa iskoollada xanaanada carruurta iyo iskoollada.

Doorashada madaxa banaan

Waxaad kaloo sameyn kartaa doorasho madax banaan. Waxaad iskaa u dooran kartaa maaddooyin aan ku jirin kuwa laga barto barnaamijka aad dalbatay, waana maaddooyin eey ardayda iskoollada oo dhan eey akhrisan karaan.

Qorshaha jiheynta maaddada

Maaddo kasta oo dugsiga sare ee dadka caqliga dhiman laga dhigto waxeey leedahay qorshaha jiheynta maaddada oo eey ku qoron yihiin koorsooyinka maaddooyinka eey ka kooban yihiin iyo dhibcaha lagu heli karo.

Haddii aad ka bixi kartid waxuu mudiirka iskoollada go'aamin karaa inaad dhigatid maaddooyinka laga barto dugsiga sare ee caadiga ah. Taasina waxeey kor u qaadeysaa hiigsigaada waxbarasho.

Natiijo

Natiijo waxaad heleysaa markaad dhameysatid maaddo ama koorso. Macalinka ayaa qiimeyn ku sameynaya cilmiga aad baratay asigoo saldhig uga dhigaayo natiijooyinka A, C iyo E.

Apl

Cilmiga aad kasoo baratay barnaamijka aad dhigatid waxaad baraktiik ahaan ugu sameyneysaa goob shaqo.

Waxaa la yiraahdaa waxbarasho lagu sameynayo goob shaqo, marka lasoo gaabiyana waa Apl.

Shaqada dugsiga sare ee dadka caqliga dhiman

Si aad u muujisid waxa aad ku baratay barnaamijka waxbarasho ee aad dhigatid waxaad sameyneysaa Shaqada dugsiga sare ee dadka caqliga dhiman.

Maaddaama shaqada aad sameyneysid eey tusineyso waxa aad soo baratay oo dhan waxaad sameyneysaa dhamaadka waxbarashadaada.

Qorsho waxbarasho oo gaar ahaaneed

Waxaad leedahay qorsho waxbarasho oo gaar kuu ah. Waxaana ku qoran maaddooyinka iyo koorsooyinka aad dhiganeysid muddada waxbarasho ee dugsiga sare.

Go'aankasta oo ku saabsan waxa aad dhiganeysid waxaa laga helayaa qorshaha waxbarasho ee gaarka kuu ah.

Shahaaddada dugsiga sare ee dadka caqliga dhiman

Markaad afar sano kadib dhameysid dugsiga sare ee dadka caqliga dhiman waxaa lagu siinayaa shahaaddo muujineysa waxyaabaha aad soo baratay iyo khibradaha aad kororsatay waqtiga aad dhiganeysay dugsiga sare ee dadka caqliga dhiman.

Shahaaddada dugsiga sare ee dadka caqliga dhiman waxeey tusineysaa inta dhibco aad heshay muddada afarka sano aheyd ee aad waxbaraneysay.

Haddii aad ku baastay maaddooyinkaada oo marka leesku daro ku siinaya 2500 oo dhibcood waxaad dhameystir buuxo ku sameysay waxbarashadaada dugsiga sare ee dadka caqliga dhiman.

Sidaan ayaad u shaqeyneysaa markaad dhigatid barnaamijka

Su'aalaha kala duwan waxaad ugu shaqeyneysaa hab shaqo gacameed ah iyo hab cilmi baaris labada ba.

Waxaad horumarin ku sameyneysaa isticmaalidda qalabyada kala duwan iyo qaababka loo isticmaalo.

Waxaad horumarin ku sameyneysaa isticmaalidda qalabyada kala duwan ee kombiyuutarka iyo sida tusaale ahaan sida qaladaadka looga raadiyo matoorrada adigoo kombiyuutarka kaashanaya.

Waxaad horumarin ku sameyneysaa inaad kaligaa shaqeyn kartid iyo inaad la shaqeyn kartid dad kale. Siyaabo kala duwan oo ah sida loo wada shaqeeyo ayaad tababar ku sameyneysaa.

Barnaamijka waxuu tababar kuu siinayaa sida loo wada xaajoodo, sida loo fikiro iyo sida aad u dhiiban kartid fikradaada.

Waxaad horumarin ku sameyneysaa inaad sharrixi kartid sida aad ugu shaqeyneysid leyliska lagu diro.